



Broj:01/1-176/24

Sarajevo, 23.01.2024.godine

## ZAPISNIK

sa sastanka Kolegija Univerziteta u Sarajevu-Šumarskog fakulteta

održanog 23.01.2024. godine sa početkom u 10,00 sati

### PRISUTNI:

- Prof.dr Ahmet Lojo, dekan Fakulteta,
- Prof.dr Muhamed Bajrić, prodekan za NIR i finansije,
- Prof.dr Zahida Ademović, prodekan za nastavu i kabinet opštih predmeta,
- Sabina Delić, zamjenik šefa katedre za Ekonomiku, politiku i organizaciju šumarstva i urbanog zelenila,
- Prof. dr Besim Balić, šef katedre za Uređivanje šuma i urbanog zelenila,
- Prof.dr Sead Vojniković, šef katedre za Ekologiju šuma i urbanog zelenila,
- Prof.dr Velid Halilović, ispred Katedre za iskorištavanje šuma, projektovanje i građenje u šumarstvu i hortikulturi,
- Prof.dr Tarik Treštić, šef katedre za Zaštitu šuma i urbanog zelenila i lovno gospodarenje,
- prof. dr Emira Hukić, ispred Komisije za promociju Šumarskog fakulteta za upis na I i II ciklus.

### ODSUTNI:

- Prof. dr Dalibor Ballian, prodekan za međunarodnu saradnju-optavdano odsutan,
- Prof.dr Sead Ivojević, šef Katedre za uzgajanje šuma i urbanog zelenila-opravdano odsutan.

Na sjednici je dnevni red jednoglasno usvojen, te razmatran sljedeći

### Dnevni red

1. Razmatranje prijedloga „Plana i programa promocije Šumarskog fakulteta za upis na I i II ciklus studija u školsku 2024-2025.godinu“ izrađenog od strane Komisije za promociju Šumarskog fakulteta za upis na I i II ciklus, broj: 01/1-130/24 od 17.01.2024. godine.
2. Razno.
  - Dopis Vlade Kantona u vezi isplate i obračuna plaća.

## Tok sjednice i zaključci:

### Ad 1.

Dekan se u uvodnom izlaganju osvrnuo na prijedloga „Plana i programa promocije Šumarskog fakulteta za upis na I i II ciklus studija u školsku 2024-2025.godinu“ dajući poseban osvrt na

pojedine tačke u pogledu planiranog budžeta za iste. Zamolio je da se još jednom razmotri da li je planirano dovoljno novca.

Prof. dr Emira Hukić je istakla da asistentica Amina Karišik greškom nije stavljena kao član Komisije za promociju Šumarskog fakulteta za upis na I i II ciklus studija u školskoj 2024-2025.godinu, te da će navedena greška biti ispravljena. Takođe se kontaktiralo sa predstavnicima studenata Selmom Đonlagić i Erdalom Brutusom u pogledu prijedloga proširenja sastava komisije sa studentima, međutim do održavanja Kolegija nisu došle povratne informacije.

Prof. dr Sead Vojniković je konstatovao da mu se projedlog sada čini jako dobar. Profesor je imao prijedlog da se u stavu 3. prikritno obrati pažnja na kolege iz srednje šumarske škole obzirom da se mahom odlučuju postati studenti PMF-a jer se na njih psihološki djeluje dajući im pristup laboratoriji fakulteta i ostalim zanimljivostima. Na isti način bi trebao postupati i naš fakultet kako bi preuzeo primat u segmentu šumarstva. Prof. dr Emira Hukić je zaključila da su planirali i navedenu aktivnost.

Dekan je kazao da se sa Sarajevo šumama razgovaralo o stipendiranju studenata, te da na njih ne možemo računati jer nemaju modaliteta za tako nešto. Zaključeno je da će se na taj način djelovati i na ostala preduzeća, te je planiran obilazak istih u trećem ili četvrtom mjesecu ove godine. Prijedlog je da se u navedeni projekat uključe i nevladine organizacije kao što je Eko inicijativa.

Prof. dr Muhamed Bajrić je predložio da se sama promocija fakulteta spusti i na treće razrede srednje škole obzirom da učenici četvrtih razreda često su se već odlučili.

Prof. dr Tarik Treštić je istakao da se na saradnju sa privredom treba više fokusirati, istražiti starosnu strukturu po preduzećima te im pojasniti da će kroz pet, šest do deset godina trebati kadar kojeg neće biti na tržištu.

Prof. dr Sabina Delić je predložila da uzmemo u obzir i studente sa hortikulture jer su u kritičnoj situaciji što se tiče zaposlenja, te da se u tom pogledu treba obratiti Općinama u svrhu njihove potrebe za inžinjerima hortikulture.

Prof. dr Besim Balić je predložio da posjetimo i Lovački savez Federacije Bosne i Hercegovine.

Prof. dr Muhamed Bajrić je kazao da će Sindikat šumarstva dati nagradu najboljim studentima što su uradili i prošle školske godine.

Prof. dr Sead Vojniković je kazao da redovno sluša reklamu za Šumarski fakultet u Sloveniji na domaćem radiju, te da i nama treba takva promocija kroz isticanje stvarnog obrazovanja i stvarnog kvaliteta našeg studija.

Predloženo je i da se pod tačkom 6. u pogledu izložbe fotografija kontaktira sa prof. dr Dinom Hadžidervišagić kako bi se uključilo i Udruženje likovnih umjetnika.

Zaključeno je da se ostavlja rok od petnaest dana kada će se organizovati Vijeće fakulteta na kojem će se imenovati članovi Komisije za promociju Šumarskog fakulteta za upis na I i II ciklus studija u školskoj 2024-2025.godini. U navedenom roku katedre odnosno šefovi katedri će se uključiti aktivnije u razmatranje prijedloga „Plana i programa promocije Šumarskog

fakulteta za upis na I i II ciklus studija u školsku 2024-2025.godinu“, te dati svoje sugestije i prijedloge, a kako bi Komisija sa svojim radom krenula što prije obzirom da smo prošle godine bili u kašnjenju.

## Ad 2.

Dekan je upoznao prisutne da je Univerzitet u Sarajevu uputio dopis prema Premijeru, a kako bi dobili uputu za isplate plata za koje fali sredstava prema usvojenom budžetu. U izradi

budžeta je uzet prosjek oktobarske plate koja je najniža, te se nije uzelo u obzir nova upošljavanja za koje su date saglasnosti.

Prof. dr Muhamed Bajrić je kazao da je juče bio na sastanku Odbora za finansije Univerziteta u Sarajevu i da se na usvojeni budžet ne može uticati. Trenutno postoje tri načina prevladavanja krize: da se nastavi isplata po osnovici 330, da se umjesto jedne dvanaestine koliko se pušta mjesečno za isplatu plata iz budžeta puštaju nešto veća sredstva koja će se namiriti kroz rebalans ili da se na konto 10 prebacuju sredstva iz konta 20, a koja predstavljaju vlastita sredstva koja mi skoro više da nemamo.

Koristeći bilo koju od ovih opcija dekan ulazi u prekršaj ukoliko krši Kolektivni ugovor ili krivično djelo ukoliko krši Zakon o budžetu.

Zbog svega navedenog još uvijek se čeka reakcija na predmetni dopis da bi se znalo kako dalje postupati.

Sastanak je završen u 11.15 sati.

Zapisnik vodi

Aldijana Bilajac, dipl. iur, stručni saradnik za pravne i administrativne poslove

Dostaviti:

- a/a Kolegija
- Katedrama



DEKAN

Prof. dr Ahmet Lojo

